

EXPEDIENTE:	2024/00037518M
PROCEDEMENTO:	Aprobacións plans e programas (DS)

A Xunta de Goberno Local do Concello de Santiago de Compostela, na sesión ordinaria celebrada o 12 de agosto de 2024 adoptou o seguinte acordo:

Aprobación do procedemento de alta, prazos de solicitude de praza e gratuidade do Espazo Educativo e de Lecer María Miramontes para curso 2024-2025.

A proposta é do seguinte teor literal:

ANTECEDENTES

O Espazo Educativo e de Lecer *María Miramontes* (Ludoteca das Fontiñas) está ubicado na Rúa Fontes do Sar, núm. 3, en Santiago de Compostela. Conta cunha superficie total construída de 1.080,50m² e unha superficie útil de 730,63 m², dividida en dúas plantas.

Este equipamento municipal está concibido para acoller espazos de xogo libre, espontáneo e creativo e tamén dirixido, co obxecto de proporcionar aos nenos e nenas con idades comprendidas entre os 2 e os 12 anos, espazos acondicionados para o xogo, posibilidades de relacionarse, acceso a xogos e xoguetes e outros materiais lúdicos, animación á lectura, promoción do libro e todas aquelas propostas que favorezan, ademais, a conciliación da vida persoal, laboral e familiar. Tamén está dispoñible como recurso educativo especializado para a utilización, en horario lectivo, polos centros de ensino do municipio de Santiago de Compostela.

Ten unha finalidade lúdica, socioeducativa, cívica, cultural e inclusiva, cun proxecto cuxo obxectivo principal é garantir o dereito dos nenos e nenas ao xogo e a colaborar, así, no desenvolvemento integral da persoa, polo que está equipado cun fondo organizado de xogos, xoguetes, libros e outros elementos lúdicos adecuados á súa idade. Inclúen espazos psicomotrices, áreas de xogo simbólicas e tamén xogos multimedia.

A xestión do equipamento está externalizado a través dun contrato de servizos. A Xunta de Goberno Local do Concello de Santiago de Compostela, na sesión ordinaria celebrada o 21 de agosto de 2023 acordou aprobar a orde de continuidade á asociación "ESCOLA DE TEMPO LIBRE DON BOSCO", na prestación do servizo de atención á infancia para a conciliación da vida laboral, familiar e persoal na Ludoteca das Fontiñas, no espazo educativo e de lecer María Miramontes. Un equipo de profesionais guía ás persoas usuarias na selección de xogos sensoriais, de manipulación, de movemento, de construción e de regras, de xogos multimedia simbólicos e axeitados á idade. Fomenta tamén a participación dos nenos e nenas no campo sociocultural e en actividades da súa contorna.

OBXECTIVOS:

- Ofrecer un espazo axeitado para o xogo, favorecedor do desenvolvemento psicomotor, cognitivo, crítico, creativo e afectivo do neno/a.
 - Traballar na creación dunha nova concepción do xoguete, ampliando a exclusividade do xoguete comercializado.
 - Favorecer unha relación distinta co obxecto lúdico, a través da manipulación, recreando o seu uso, a través dun proceso globalizador de invención, construción, reparación e transformación.
 - Fomentar todo tipo de iniciativas e actividades arredor da promoción do libro e da animación á lectura.
-
- Colaborar moi especialmente na promoción da lingua galega, do xogo popular e tradicional, da animación á lectura e na recuperación de xogos e xoguetes que teñan que ver co noso acervo cultural propio.
 - Facilitar a conciliación familiar.

CONSIDERACIÓNS

1. Para o procedemento administrativo, con carácter xeral, artigos 163 a 185 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, así como os artigos 54 e seguintes da Lei 39/2015, do 1 de outubro, do procedemento administrativo común das administracións públicas.

2. CARACTERÍSTICAS XERAIS DO SERVIZO:

Para poder participar no programa de actividades no Espazo Miramontes é necesario cumprir co seguinte proceso (agás que sexan actividades destinadas a familias):

2.1. PROCEDEMENTO DE ALTA:

1. Todas as persoas que desexen participar nas actividades da Ludoteca (tanto nos períodos lectivos como non lectivos) deben estar **dadas de alta** como requisito imprescindible (modelo ED009 educación) dispoñible na sede electrónica do Concello. Deberán cubrir o modelo de solicitude no que facilitarán a información e documentación correspondente, autorizan a estadia do menor na instalación e aceptan as condicións de funcionamento interno. O procedemento de alta estará aberto os doce meses do ano. O formulario poderá descargarse da páxina web do rexistro municipal www.santiagodecompostela.gal (*trámites*) e da específica da ludoteca María Miramontes www.espazolecermariamiramontes.santiagodecompostela.gal.

As solicitudes presentaranse segundo modelo normalizado ben por medios electrónicos ou de xeito presencial, no Rexistro xeral do Concello de Santiago (Rúa Presidente Salvador Allende 4, Galeras) ou mediante calquera das formas previstas no artigo 16.4 da Lei 39/2015 do 1 de outubro, de procedemento administrativo común das administracións públicas.

A documentación a achegar polos interesados/as no momento da alta é a seguinte:

Documentación obrigatoria:

- Copia da tarxeta sanitaria do menor.

Documentación complementaria dependendo da situación familiar:

- Certificado de familia numerosa.
 - A situación de monoparentalidade acreditarase co certificado de monoparentalidade.
 - Informe dos Servizos Sociais nos supostos en que sexa necesario por falta de acreditación documental suficiente ou pola situación especial na que viva a unidade familiar.
 - Certificado do centro educativo no que está matriculado/a o/a/ neno/a no caso de non estar empadroadado no Concello de Santiago de Compostela.
 - Acreditación da representación, se procede.
 - Copia da resolución administrativa de acollemento.
2. Unha vez realizado o trámite, facilitaráselle un número de alta que xa lle permitirá solicitar diferentes servizos a través da web do centro.
 3. Solicitarán a inscrición no programa para a actividade ou actividades ofertadas cubrindo o formulario correspondente da páxina web da Ludoteca.
 4. O procedemento de alta está aberto os 12 meses do ano. O centro **non tramitará altas** nos períodos de solicitudes de praza.

A alta do servizo non garantiza o uso inmediato do mesmo dadas as limitacións de espazo e a normativa correspondente. Para poder facer uso do servizo, as persoas dadas de alta que teñan a confirmación correspondente e que desexen facer uso do mesmo deberán solicitar a praza, cunha antelación mínima de 2 días hábiles na web da ludoteca co fin de poder xestionar con antelación a dispoñibilidade de prazas.

2.2 POBOACIÓN DESTINATARIA:

Nenos e nenas empadroados ou que estean matriculados nun centro de ensino no municipio de Santiago de Compostela. O centro dispón dun total de 73 prazas autorizadas pola secretaría técnica de Política Social da Xunta de Galicia.

Tramo de idades	Unidades	Capacidade máxima
-----------------	----------	-------------------

2* - 3** anos	1	20
4 - 6 anos	1	30
7 - 12 anos	1	23

*nenos e nenas de 2 anos acompañados dunha persoa autorizada.

**nos períodos non lectivos o servizo ofertarase a partir de 3 anos.

2.3. CALENDARIO E HORARIO DE FUNCIONAMENTO:

O programa funcionará os doce meses do ano.

En **horario lectivo** (segundo o calendario escolar aprobado pola Xunta de Galicia para o curso 2024-2025), o programa funcionará nas seguintes franxas horarias:

- Mañás: venres e sábado de 10.30 h a 13.30 h.
- Tardes: de luns a sábado de 16.00 h a 20.00 h.
- Atención familias: mércores de 16:00h a 20:00h e venres de 10:30h a 13:30h.

En **horario non lectivo** (nadal, entroido, semana santa, verán) o programa funcionará nas seguintes franxas horarias:

- Luns a venres: 7:45 a 15:00 horas.

Dada a especial natureza do programa, orientada a dar satisfacción ás necesidades de conciliación de vida persoal, laboral e familiar das persoas usuarias, o programa non funcionará nin os domingos nin os días festivos.

2.4. DISTRIBUCIÓN DOS GRUPOS:

1) **Bebeteca:**

- a) Nados no 2022 e 2021 (2 anos cumpridos no momento da solicitude de praza).

2) **Pequeteca:**

- a) Nados no 2020, 2019 e 2018.

3) **Maiorteca:**

- a) Nados en 2017, 2016, 2015, 2014, 2013 e 2012 (ata cumprir 13 anos).

3. MODALIDADES DE PARTICIPACIÓN/DISTRIBUCIÓN DAS QUENDAS:

O servizo préstase en diferentes modalidades tendo como xustificación a conciliación da vida persoal, laboral e familiar dos usuarios e as usuarias do centro. Polo citado motivo, as persoas interesadas terán **dúas modalidades** de participación: **período lectivo e períodos non lectivos**.

3.1 PERÍODO LECTIVO:

Este equipamento está pensado para responder ás necesidades da cidadanía e garantir o seu dereito a utilizalas. É por iso que o acceso aos seus servizos debe combinar un sistema de rotación e xestión da lista de agarda para permitir o uso e desfrute do maior número de nenos e nenas posible. As persoas solicitantes **deberán ter tramitada a solicitude de alta (punto 2.1)**.

O período lectivo no Espazo Miramontes comprende as seguintes modalidades de participación: “*Tardes, Mañás dos venres e Sábados Abertos, Sábados Temáticos*”. Dinámica xeral de participación:

A. TARDES (servizo de luns a venres de 16:00 a 20:00).

- **Bebeteca** (nados no 2022 e 2021):
 - Quendas de 1 hora e 30 minutos.
 - Nenos e nenas de 2 anos acompañados dun dos seus proxenitores/titores.
 - Distribución das quendas:
 - 1ª Quenda: 16.30 h - 18.00h. 2ª Quenda: 18.00 h - 19:30h.
- **Pequeteca** (nados no 2020, 2019 e 2018):
 - Quendas de 2h.
 - Distribución das quendas:
 - 1ª Quenda: 16.00 h - 18.00 h. 2ª Quenda: 18.00 h - 20.00 h.
- **Maiorteca** (nados en 2017, 2016, 2015, 2014, 2013 e 2012 (ata cumprir 13 anos):
 - Quendas de 2h.
 - Distribución das quendas:
 - 1ª Quenda: 16.00 h - 18.00 h. 2ª Quenda: 18.00 h - 20.00 h.

Para facilitar a participación do maior número de persoas, establécese o seguinte:

- Máximo **4 quendas** semanais por persoa, agás que haxa prazas dispoñibles noutras.
- Se hai máis solicitantes que prazas en cada quenda, o centro asignará as prazas en función dos criterios de prioridade que se sinalan no **punto 5** do presente documento.

O centro permitirá o **participación esporádica** sempre e cando: estea de alta no servizo, haxa prazas libres na quenda de interese e avise por teléfono antes do inicio da quenda.

B. MAÑÁS DOS VENRES (servizo os venres de 10:30 a 13:30).

O centro permanecerá aberto para a realización de actividades grupais programadas cos centros educativos de infantil e primaria, centros de formación profesional, universidade e outras entidades do ámbito educativo ubicadas no Concello de Santiago e na Provincia de A Coruña.

Os centros educativos interesados en facer uso do centro terán que reservar a través da páxina web as datas desexadas cunha antelación de dúas semanas.

As agrupacións responderán á organización habitual do grupo-aula e o persoal do centro traballará como máximo con dous grupos simultaneamente (só en infantil e primaria).

O equipo do Espazo Miramontes está aberto a programar actividades en coordinación cos centros educativos co fin de contribuír ao desenvolvemento integral das participantes.

C. SÁBADOS (servizo os sábados de 10:30 a 13:30 e de 16:00 a 20:00).

- **Sábados abertos:** participación libre con actividades programadas. Non é precisa a presenza dos adultos (agás nenos e nenas de 2 anos e nenos e nenas sen alta).
- **Sábados temáticos:** actividades temáticas dirixidas a público familiar con aforo limitado.
É imprescindible a presenza de alomenos, unha persoa adulta acompañante.

A participación nos sábados será sempre baixo inscrición na páxina web.

As horas dos sábados non computan no total semanal (de luns a venres).

3.2 PERÍODOS NON LECTIVOS:

Os períodos non lectivos (“Vaca-Ludos”) son 4 ao longo do curso 24/25: **Nadal, Entroido, Semana Santa e Verán**. O calendario e a distribución dos 4 programas de conciliación é a seguinte:

Vaca-Ludos Nadal:

- Modalidade: dúas quendas:

QUENDAS	DATAS	TOTAL DÍAS
---------	-------	------------

1ª QUENDA	Do 23 ao 31 de decembro do 2024 (23, 24 ,26, 27, 30 e 31).	6
2ª QUENDA	Do 2 ao 7 de xaneiro do 2025 (2, 3 e 7).	3

- As persoas usuarias poderán desfrutar dunha quenda, agás que haxa prazas dispoñibles na outra.
- No caso de quedar prazas baleiras nalgunha das quendas asignaranse tamén segundo os criterios de prioridade indicados no punto 4 e será a única vía para a adxudicación de máis de 1 quenda.
- As persoas usuarias deberán solicitar, unicamente e por orde de prioridade, as quendas de interese.

Vaca-Ludos Entroido:

- Modalidade: quenda única os días 3, 4 e 5 de marzo de 2025.
- As persoas usuarias que soliciten e disfruten o “Vaca-Ludos Entroido”, **non terán prioridade** para as “Vaca-Ludos Semana Santa” (agás queden prazas dispoñibles).

Vaca-Ludos Semana Santa:

- Modalidade: quenda única os días 14, 15, 16 e 21 de abril de 2025.

Vaca-Ludos Verán:

- Modalidade: seis quendas:

QUENDAS	DATAS	TOTAL DÍAS
1ª QUENDA	Do 23 ao 30 de xuño de 2025 (23, 24, 25 ,26, 27 e 30).	6
2ª QUENDA	Do 1 ao 15 de xullo de 2025 (1, 2, 3, 4, 7, 8, 9, 10, 11, 14 e 15).	11
3ª QUENDA	Do 16 ao 31 de xullo de 2025 (16, 17, 18, 21, 22, 23, 24, 28, 29, 30 e 31).	11
4ª QUENDA	Do 1 ao 14 de agosto de 2025 (1, 4, 5, 6, 7, 8, 11, 12, 13 e 14).	10
5ª QUENDA	Do 18 ao 29 de agosto de 2025 (18, 19, 20, 21, 22, 25, 26, 27, 28 e 29).	10

6ª QUENDA	Do 1 ao 5 de setembro de 2025 (1, 2, 3, 4 e 5*).	5 aprox
--------------	--	---------

* O derradeiro día da quenda 6 marcará o o inicio do curso 2025/2026

- As persoas usuarias poderán desfrutar dun máximo **dunha** quenda, agás que haxa prazas dispoñibles noutras.
- No caso de quedar prazas baleiras nalgunha das quendas asignaranse tamén segundo os criterios de prioridade indicados no punto 5.1 e será a única vía para a adxudicación de máis de 1 quenda.
- As persoas usuarias deberán solicitar, **unicamente e por orde de prioridade,** as quendas de interese.

O centro asignará as prazas en función dos **criterios de acceso e da prioridade** seleccionada polas familias solicitantes.

As familias deberán **confirmar a praza** asignada nos 7 días hábiles posteriores á publicación das listaxes de admitidos e admitidas. A praza confirmarase a través da web do centro.

As persoas solicitantes que **non confirmen** as prazas nos prazos indicados (punto 4), perderán a praza adxudicada.

Só se permitirá un **20% de faltas** de asistencia por quenda, agás motivos debidamente xustificados. É obriga das familias comunicar ao centro a ausencia con antelación.

A renuncia á praza despois de confirmala e as ausencias non xustificadas (máis do 20%), suporán a exclusión dos seguintes programas de “Vaca-Ludos”. No caso de ser no “Vaca-Ludos Verán” as solicitudes do 2025/2026 serán as excluídas.

4. PROCEDIMENTO DE SOLICITUDE DE PRAZA:

Aqueles nenos/as que xa están dados de alta deben cubrir o formulario de solicitude da web para o programa de interese: www.espazolecermariamiramontes.santiagodecompostela.gal.

Unha vez realizado este trámite, o centro publicará unha listaxe de solicitudes admitidas, a subsanar e excluídas. Aquelas que teñan que aportar ou subsanar documentación terán 10 días hábiles para enviar a documentación (a través dun formulario habilitado na web) antes da publicación das listaxes definitivas.

Recibirán comunicación mediante correo electrónico e publicarase na páxina web do centro o estado das solicitudes.

Será obrigatorio presentar un certificado de emprego actualizado no que consten os **horarios de traballo e as datas das quendas** de interese, na solicitude de praza.

Se as circunstancias laborais e familiares mudaron dende a data de alta no Espazo Miramontes deberán acreditarlo coa documentación actualizada correspondente

axuntándoa a través do rexistro ou sede electrónica do Concello de Santiago de Compostela.

4.1. PRAZO DE SOLICITUDE PARA O PERÍODO LECTIVO:

- Soliciude de praza: do 26/08/2024 ao 4/09/2024 (ámbolos dous inclusive).
- Listaxe provisional de admitidos, admitidas e excluídos: 5/09/2024.
- Listaxe definitiva de admitidos e admitidas: 20/09/2024.
- Confirmación de praza: Do 21/09/2024 ao 27/09/2024.

Durante o prazo de solicitude e asignación de prazas ofertará xornadas de portas abertas **previa inscrición** na páxina web.

Queda aberta a inscrición fóra dos prazos establecidos, durante o resto do curso, unicamente co criterio de orde de entrada de solicitude na web do centro. A inscrición será só para as quendas e prazas que queden dispoñibles. As persoas que desexen facer uso do servizo deberán facer a solicitude da súa praza cunha antelación mínima de dous días hábiles. A solicitude de praza non terá que ser renovada ata o inicio do seguinte curso escolar.

O servizo **comezará o luns 30 de setembro de 2024.**

4.2. PRAZO DE SOLICITUDE PARA PERÍODOS NON LECTIVOS DE VACA-LUDOS:

Os períodos non lectivos terán procesos de solicitude de praza independentes. O centro non terá en conta as solicitudes de alta feitas dentro do prazo de solicitude de praza. Para os catro períodos de “Vaca-Ludos” **será preciso aportar un certificado de emprego por cada titor legal da unidade familiar no que consten os horarios de traballo nas datas solicitadas.** Prazos:

- Vaca-Ludos Nadal:
 - Solicitude de praza: do 28/10/2024 ao 3/11/2024 (ámbolos dous inclusive).
 - Listaxe provisional de admitidos/as, a subsanar e excluídas: 4/11/2024.
 - Prazo de subsanación das solicitudes: do 5/11/2024 ao 18/11/2024.
 - Listaxe definitiva de admitidos/as e de agarda: 25/11/2024.
 - Confirmación de praza: Do 25/11/2024 ao 1/12/2024.
- Vaca-Ludos Entroido:
 - Solicitude de praza: Do 2/01/2025 ao 8/01/2025 (ámbolos dous inclusive)
 - Listaxe provisional de admitidos/as, a subsanar e excluídas: 9/1/2025.
 - Prazo de subsanación das solicitudes: do 10/1/2025 ao 23/1/2025.

- Listaxe definitiva de admitidos/as e de agarda: 30/01/2025.
- Confirmación de praza: Do 31/01/2025 ao 6/2/2025.
- Vaca-Ludos Semana Santa:
 - Solicitud de praza: Do 3/02/2025 ao 9/02/2025 (ámbolos dous inclusive).
 - Listaxe provisional de admitidos/as, a subsanar e excluídas: 10/2/2025.
 - Prazo de subsanación das solicitudes: do 11/2/2025 ao 24/2/2025.
 - Listaxe definitiva de admitidos/as e de agarda: 3/03/2025.
 - Confirmación de praza: Do 4/03/2025 ao 10/3/2025.
- Vaca-Ludos Verán:
 - Solicitud de praza: 21/04/2025 ao 27/04/2025 (ámbolos dous inclusive).
 - Listaxe provisional de admitidos/as, a subsanar e excluídas: 28/4/2025.
 - Prazo de subsanación das solicitudes: do 29/4/2025 ao 13/5/2025.
 - Listaxe definitiva de admitidos/as e de agarda: 22/03/2025.
 - Confirmación de praza: Do 23/05/2025 ao 30/05/2025.

5. ASIGNACIÓN DE PRAZAS:

Durante todo o ano, este equipamento está pensado para responder ás necesidades de conciliación das familias. É por iso que o acceso aos seus servizos **debe priorizar** a aquelas que traballen ou que estean en tránsito do traballo a casa, no horario de apertura do centro. Polo tanto é imprescindible que as familias acrediten fiel e responsablemente as circunstancias laborais na/s quenda/s solicitadas.

5.1 CRITERIOS DE PRIORIDADE PARA A ASIGNACIÓN DE PRAZAS:

No caso de que houbera máis solicitantes que prazas nas diferentes quendas ou programas é preciso establecer orde de preferencia na asignación entre aquelas persoas que están dadas de alta no servizo e presentaron a solicitude de participación en calquera dos programas ofertados dentro dos prazos establecidos.

A continuación amósanse os criterios para a asignación de prazas **ordeados de maior a menor grao de prioridade**:

1. **Vítimas de violencia de xénero**, co informe dos Servizos Sociais, que traballen ou estean en tránsito do traballo a casa no horario de funcionamento do programa.
2. Familias con nenos e nenas en **acollida** e nas que os dous proxenitores/ titores traballen ou estean en tránsito do traballo a casa no horario de funcionamento do programa.
3. Familias **monoparentais** que traballen ou estean en tránsito do traballo a casa no horario de funcionamento do programa.
4. Familias nas que traballen os dous proxenitores/titores e alomenos un deles estea traballando **fóra** da comunidade autónoma de Galicia no horario de funcionamento do programa.

5. Familias con alomenos un proxenitor/titor ou un fillo ou filla en **situación de dependencia**.
6. Familias con alomenos un dos proxenitores/titores con **incapacidade laboral** (temporal/permanente) **ou discapacidade** e outro que traballe ou estea en tránsito do traballo a casa no horario de funcionamento do programa.
7. Familias **separadas ou divorciadas** nas que o proxenitor/titor que teña a custodia no momento da solicitude traballe ou estea en tránsito do traballo a casa no horario de funcionamento do programa.
8. Familias **numerosas** cos dous proxenitores/titores que traballen ou estean en tránsito do traballo a casa no horario de funcionamento do programa.
9. Familias cos **dous proxenitores/titores** que traballen ou estean en tránsito do traballo a casa no horario de funcionamento do programa.
10. Familias con alomenos un dos proxenitores/titores en **desemprego** e outro que traballe ou estea en tránsito do traballo a casa no horario de funcionamento do programa.

En relación aos criterios de prioridade para a asignación de prazas:

- A. As **situacións familiares** descritas nos puntos 1, 2 ,3 ,4, 5, 6, 7 e 8 deberán acreditar a súa situación mediante a documentación administrativa correspondente (certificado de monoparentalidade, informe de Servizos Sociais, informe médico, sentenza, etc.)
 - a. Aquelas persoas que traballen a turnos, teñan flexibilidade horaria ou sexan persoal docente terán que aportar un certificado de emprego actualizado no que indiquen o horario no que traballarán durante as quendas desexadas. Non se aceptarán os certificados ou declaracións xerais que non acrediten as circunstancias específicas da familia nas quendas solicitadas.
 - b. As solicitudes que non aporten a documentación requirida quedarán excluídas.
 - c. É responsabilidade única das persoas interesadas a entrega dos certificados e declaracións de horario laboral actualizados.
 - d. A ausencia non xustificada (do máis do 20%) a calquera programa no período non lectivo será un criterio excluínte nas seguintes solicitudes. A ausencia non xustificada no verán exclúe as solicitudes do curso 2025/2026.
 - e. Aquelas familias que non precisen conciliar pero que desexen participar poderán facelo se hai prazas baleiras.
- B. No caso de non ser suficiente cos criterios de prioridade para asignación de praza, o centro:
 - a. **Dará prioridade as solicitudes dos usuarios e usuarias con praza no período lectivo** e que cumplan cos seguintes requisitos:
 - i. Ter adxudicada praza dende o inicio do período lectivo o 30/09/2024.
 - ii. Ter participado no alomenos un 80% do programa, agás faltas xustificadas.

- b. Realizará un **sorteo público** para aqueles casos nos que o número de solicitudes supere ao número de prazas, aplicando a fórmula “ALEATORIO.ENTRE (Ax;Ay)” no documento onde figuran os números de alta introducidos de maneira aleatoria e atribuído a cada solicitante un número nese listado. O resultado da aplicación da fórmula dará un número X que será o que obteña praza en primeiro lugar e tamén os sucesivos ata completar as prazas dispoñibles. Completadas as prazas, o resto pasará a formar parte dunha listaxe de agarda.

O sorteo, de producirse, será anunciado na páxina web do centro e do Concello de Santiago.

6. RÉXIME DE PREZOS:

De balde, de acordo co recollido no Prego de Prescricións Técnicas que rexen este contrato e que establece a temporalidade e gratuidade do programa para a implantación dun servizo de atención á infancia para a conciliación da vida laboral, familiar e persoal na Ludoteca das Fontiñas ubicada no Espazo Educativo e de Lecer María Miramontes.

PROPOSTA

Á vista de canto antecede, propónse á Xunta de Goberno Local, que adopte os seguintes acordos:

- 1.- Aprobado o procedemento de alta e acceso no Espazo Educativo e de Lecer María Miramontes. Curso 2024-2025.
- 2.- Aprobado o procedemento e prazos de inscrición para o programa para os períodos lectivo e non lectivo no Espazo Educativo e de Lecer María Miramontes. Curso 2024-2025.

A Xunta de Goberno Local acorda:

- 1.- Aprobado o procedemento de alta e acceso no Espazo Educativo e de Lecer María Miramontes. Curso 2024-2025.
- 2.- Aprobado o procedemento e prazos de inscrición para o programa para os períodos lectivo e non lectivo no Espazo Educativo e de Lecer María Miramontes. Curso 2024-2025.

